

SIARAN MEDIA

Kuala Lumpur, 18 April 2017

Dato' Dr Nirmala Menon dilantik sebagai Ahli Lembaga Pengarah Khazanah

Khazanah Nasional Berhad (“Khazanah”) dengan sukacitanya mengumumkan pelantikan Dato’ Dr Nirmala Menon sebagai Ahli Lembaga Pengarahnya. Pelantikan ini dibuat semasa mesyuarat Lembaga Pengarah Khazanah ke-82, hari ini.

Dato’ Dr Nirmala membawa bersamanya pengalaman yang ditimba selama kira-kira tiga dekad dalam sektor insurans dan kesihatan. Beliau merupakan Naib Presiden Eksekutif, Ketua Pasaran & Kesihatan Rantau Asia di MetLife Asia Pacific Ltd, yang mana beliau bertanggungjawab bagi operasi syarikat berkenaan di Hong Kong, Australia, Malaysia, Vietnam, Bangladesh, Nepal dan Myanmar. Sebelum menyertai MetLife, Dato’ Dr Nirmala berkhidmat sebagai Ketua Rantau Asia Selatan di ING Asia Pacific Ltd, dan sebelum itu beliau merupakan Presiden dan Ketua Pegawai Eksekutif ING Malaysia Berhad, yang mana ketika itu beliau merupakan CEO wanita pertama dalam industri insurans hayat di Malaysia.

Berkelulusan dalam bidang perubatan, Dato’ Dr Nirmala memperoleh ijazah Kelas Pertama daripada University of Mysore, India. Beliau berkhidmat sebagai Pegawai Perubatan di Hospital Kuala Lumpur selama tujuh tahun sebelum memulakan kerjayanya dalam industri insurans.

TAMAT

Untuk sebarang maklumat lanjut, sila hubungi Mohd Raslan Md Sharif di talian tel +603 2034 000 atau e-mel raslan.sharif@khazanah.com.my.

Tentang Khazanah Nasional

Khazanah Nasional Berhad adalah dana pelaburan strategik Kerajaan Malaysia yang diamanahkan untuk menguruskan aset-aset komersial milik Kerajaan dan melaksanakan pelaburan-pelaburan strategik. Khazanah terlibat dalam pelbagai sektor seperti tenaga, telekomunikasi, institusi kewangan, penjagaan kesihatan, penerbangan, infrastruktur, riadah & pelancongan, hartanah kreatif & media, pendidikan dan inovasi & teknologi. Antara syarikat tersenarai utama di bawah portfolio pelaburan Khazanah adalah Telekom Malaysia Bhd, Tenaga Nasional Bhd, CIMB Group, Axiata Group Bhd, IHH Healthcare Bhd, Malaysia Airports Holdings Bhd dan UEM Sunrise Bhd.

Untuk sebarang maklumat lanjut mengenai Khazanah, sila lawati www.khazanah.com.my